



Broj: 05/1-50-13-29-16-10/16  
Sarajevo, 22.02.2016. godine

PARLAMENTARNA SKUPŠTINA  
BOSNE I HERCEGOVINE  
PREDSTAVNIČKI DOM  
DOM NARODA

БОСНА И ХЕРЦЕГОВИНА  
ПАРЛАМЕНТАРНА СКУПШТИНА БОСНЕ И ХЕРЦЕГОВИНЕ  
САРАЈЕВО

PRIMLJENO. 22-02-2016			
Organizaciona jedinica	Klasifikacione oznake	Redni broj	Broj priloga
05/1-	50-19-	630/16	

**PREDMET:** Plan rada Nezavisnog odbora Parlamentarne skupštine BiH  
kao nezavisnog tijela policijske strukture Bosne i Hercegovine  
za 2016. godinu

Poštovani,

U skladu sa članom 7. stav (1) tačka b) Zakona o nezavisnim i nadzornim tijelima policijske strukture u Bosni i Hercegovini ("Službeni glasnik BiH" broj 36/08) i članom 9. Poslovnika o radu Nezavisnog odbora kao nezavisnog tijela policijske strukture BiH ("Službeni glasnik BiH" broj 93/09) Nezavisni odbor je na 15. sjednici održanoj 30. 12. 2015. godine usvojio Plan rada Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine za 2016. godinu, koji dostavlja Parlamentarnoj skupštini BiH na usvajanje.

S poštovanjem,



PREDSJEDNIK  
NEZAVISNOG ODBORA

Žiko Krunić

Prilog: Plan rada Nezavisnog odbora Parlamentarne skupštine BiH kao nezavisnog tijela policijske strukture za 2016. godinu na bosanskom, hrvatskom i srpskom jeziku

Dostavljeno:

- Naslovu
- ⊙ a/a



Broj: 05/1-50-13-29-15-7/15

Sarajevo, 30.12.2015. godine

## **PLAN RADA**

# **NEZAVISNOG ODBORA PARLAMENTARNE SKUPŠTINE BOSNE I HERCEGOVINE KAO NEZAVISNOG TIJELA POLICIJSKE STRUKTURE BOSNE I HERCEGOVINE ZA 2016. GODINU**

**Decembar 2015. godine**

Na osnovu člana 7. stav (1) tačka b) Zakona o nezavisnim i nadzornim tijelima policijske strukture Bosne i Hercegovine i člana 9. tačka b) Poslovnika o radu Nezavisnog odbora kao nezavisnog tijela policijske strukture Bosne i Hercegovine, Nezavisni odbor kao nezavisno tijelo policijske strukture Bosne i Hercegovine, na 15. sjednici, održanoj 30.12.2015., usvojio je i Parlamentarnoj skupštini Bosne i Hercegovine dostavlja

## **PLAN RADA NEZAVISNOG ODBORA PARLAMENTARNE SKUPŠTINE BOSNE I HERCEGOVINE KAO NEZAVISNOG TIJELA POLICIJSKE STRUKTURE BOSNE I HERCEGOVINE ZA 2016. GODINU**

### **POGLAVLJE I. UVODNI DIO**

Na osnovu člana 2. Zakona o nezavisnim i nadzornim tijelima policijske strukture Bosne i Hercegovine ("Službeni glasnik BiH", broj 36/08), uspostavljen je Nezavisni odbor kao nezavisno tijelo Parlamentarne skupštine BiH koji je nadležan za: provođenje procesa izbora kandidata i predlaganje smjenjivanja policijskih rukovodilaca i zamjenika rukovodilaca policijskih tijela BiH; objavljivanje javnih konkursa i razmatranje prijava kandidata, način provođenja izbora kandidata za rukovodioce i zamjenike rukovodilaca policijskih tijela BiH, razmatranje pritužbi na rad rukovodilaca i zamjenika rukovodilaca policijskih tijela BiH, iniciranje pokretanja disciplinskog postupka protiv rukovodilaca i zamjenika rukovodilaca policijskih tijela BiH, predlaganje smjenjivanja rukovodilaca i zamjenika rukovodilaca policijskih tijela BiH za čiji je izbor nadležan, ako su učinili krivično djelo, odnosno ako učine tešku povredu službene dužnosti, osim za krivična djela iz oblasti sigurnosti saobraćaja, prikupljanje podataka i vođenje odgovarajućih evidencija u skladu sa zakonom i drugim propisima.

Nezavisni odbor u svom radu djeluje isključivo na profesionalnim osnovama, ne zastupajući, ne štiteći, niti podrivajući interese bilo koje političke stranke, registrirane organizacije ili udruženja ili bilo kojeg naroda u Bosni i Hercegovini. Iz tog razloga Nezavisni odbor u svom radu stvarat će uslove za zakonitost rada policijskih tijela BiH i biti u ulozi nezavisne kontrole rukovodilaca i zamjenika rukovodilaca policijskih tijela, te pratiti njihov rad, kao i uslove i standarde za postupanje policijskih tijela BiH.

## **POGLAVLJE II. PLANIRANE AKTIVNOSTI**

Nezavisni odbor usmjerit će svoje aktivnosti na to da rukovodioci i zamjenici rukovodilaca policijskih tijela BiH budu izabrani u zadatim rokovima, te da se njihov rad prati i nadzire kako bi se stvorili uslovi za efikasno i pravilno provođenje zakona.

Nezavisni odbor provodit će aktivnosti u skladu s nadležnostima koje su određene Zakonom o nezavisnim i nadzornim tijelima policijske strukture Bosne i Hercegovine, te drugim zakonima i propisima u vezi s ovom oblasti. Jedna od važnih aktivnosti Nezavisnog odbora odnosit će se na sagledavanje stanja i problema u radu policijskih tijela BiH, kao i na praćenje rada izabranih rukovodilaca i njihovih zamjenika. U 2016. godini potrebno je ostvariti punu saradnju s Vijećem ministara BiH, Ministarstvom sigurnosti BiH, policijskim tijelima BiH i drugim institucijama u BiH, a sve s ciljem stvaranja uslova za efikasan i zakonit rad policijskih tijela BiH.

Nezavisni odbor sarađivat će i s međunarodnim organima i organizacijama, kao i s predstavnicima Evropske unije koji prate rad policijskih tijela u BiH.

U realizaciji navedenih programskih aktivnosti Nezavisni odbor zahtijevat će određene informacije i podatke od nadležnih organa i tijela u BiH, a administrativno-tehničku podršku Nezavisnom odboru pružat će Zajednička služba Sekretarijata Parlamentarne skupštine BiH.

## **POGLAVLJE III. REALIZACIJA PLANIRANIH AKTIVNOSTI NEZAVISNOG ODBORA**

### **1. Održavanje redovnih sjednica Nezavisnog odbora - jednom mjesečno, a po potrebi i češće**

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Kontinuirano tokom 2016. godine

### **2. Razmatranje eventualnih pritužbi na rad rukovodilaca i zamjenika rukovodilaca policijskih tijela BiH**

**NOSILAC:** Nezavisni odbor

**ROK:** Kontinuirano tokom 2016. godine

**3. Iniciranje i pokretanje disciplinskog postupka protiv rukovodilaca i zamjenika rukovodilaca policijskih tijela BiH u slučajevima predviđenim zakonom**

**NOSILAC:** Nezavisni odbor

**ROK:** Tokom 2016. godine kada Nezavisni odbor ocijeni to opravdanim

**4. Pribavljanje podataka od Ministarstva sigurnosti BiH o trajanju mandata i eventualno upražnjenim mjestima direktora i zamjenika direktora policijskih agencija iz nadležnosti Nezavisnog odbora**

**NOSILAC:** Nezavisni odbor

**ROK:** Tokom 2016. godine

**5. Učešće na seminarima i saradnja s policijskim tijelima BiH i drugim organima u BiH**

Tokom 2016. godine Nezavisni odbor će, u skladu s finansijskim mogućnostima i objektivnim okolnostima, učestvovati na seminarima, te saradivati s policijskim tijelima BiH i drugim nadležnim organima u BiH radi obavljanja poslova i zadataka iz svoje nadležnosti, a sve s ciljem stvaranja uslova i uspostavljanja standarda za efikasan rad policijskih tijela BiH.

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Kontinuirano tokom 2016. godine, odnosno po ukazanoj potrebi i u skladu s finansijskim mogućnostima

**6. Saradnja i razmjena podataka i iskustava s Odborom za žalbe građana Parlamentarne skupštine BiH i Odborom za žalbe policijskih službenika Vijeća ministara BiH održavanjem zajedničkih sastanaka ili provođenjem drugih dogovorenih aktivnosti**

**NOSILAC:** Nezavisni odbor

**ROK:** Tokom 2016. godine, na poziv i na osnovu zaključka Nezavisnog odbora

**7. Održavanje zajedničkih sastanaka i uspostavljanje saradnje s Vijećem ministara BiH i drugim radnim tijelima Parlamentarne skupštine BiH, s posebnim akcentom na**

**Zajedničku komisiju za odbranu i sigurnost BiH, s ciljem sagledavanja zajedničkih obaveza, izvršavanja zaključaka Zajedničke komisije i Parlamentarne skupštine BiH i razmjene informacija i podataka**

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Tokom 2016. godine, na poziv navedenih, po potrebi ili na osnovu zaključka Nezavisnog odbora

**8. Upućivanje zahtjeva za dostavljanje polugodišnjih, a po potrebi i kvartalnih izvještaja o radu Državne agencije za istrage i zaštitu, Granične policije BiH i Direkcije za koordinaciju policijskih tijela BiH**

**NOSILAC:** Nezavisni odbor

**ROK:** Tokom 2016. godine, po potrebi ili na osnovu zaključka Nezavisnog odbora

**9. Održavanje zajedničkih i pojedinačnih sastanaka s direktorima i zamjenicima direktora policijskih agencija BiH, što uključuje i posjete policijskim agencijama, s ciljem sagledavanja njihovog i rada policijskih agencija na nivou BiH**

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Tokom 2016. godine, po potrebi ili na osnovu zaključka Nezavisnog odbora

**10. Obavljanje razgovora s direktorima i zamjenicima direktora policijskih agencija BiH, s ciljem sagledavanja i utvrđivanja određenih okolnosti u pogledu eventualno podnesene prestatke i pritužbe na njihov i rad policijskih agencija na nivou BiH kojima rukovode**

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Tokom 2016. godine, po potrebi ili na osnovu zaključka Nezavisnog odbora

**11. Studijske posjete i seminari u zemljama Evropske unije i drugim zemljama, radi razmjene iskustava**

Putem programa pomoći BiH, posebno Instrumenta pretpristupne pomoći - IPA, Instrumenta za tehničku pomoć i razmjenu - TAIEX i uz podršku Zajedničke službe Sekretarijata Parlamentarne skupštine BiH, planirat će se studijske posjete s ciljem razmjene iskustava između sličnih organa i policijskih agencija iz zemalja Evropske unije i drugih zemalja.

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Tokom 2016. godine, na poziv pomenutih institucija, po potrebi ili na osnovu zaključka Nezavisnog odbora i u skladu s odobrenim finansijskim sredstvima

## **12. Druge aktivnosti i obaveze po ukazanoj potrebi i na osnovu zaključaka Nezavisnog odbora**

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Tokom 2016. godine, po potrebi i na osnovu zaključka Nezavisnog odbora,

## **13. Obrada podataka i vođenje evidencija u skladu sa zakonom i drugim propisima**

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Kontinuirano tokom 2016. godine

## **14. Izvještaj o radu Nezavisnog odbora Parlamentarne skupštine BiH kao nezavisnog tijela policijske strukture Bosne i Hercegovine**

Krajem 2016. odnosno početkom 2017. godine, Nezavisni odbor dostavit će Parlamentarnoj skupštini BiH izvještaj o radu za 2016. godinu, a po potrebi će dostavljati posebne izvještaje na zahtjev Parlamentarne skupštine BiH.

**NOSILAC:** Nezavisni odbor, Zajednička služba Sekretarijata Parlamentarne skupštine BiH

**ROK:** Decembar 2016. godine, a po potrebi i češće.

## POGLAVLJE IV. MATERIJALNO-TEHNIČKA SREDSTVA

U realizaciji godišnjih programskih aktivnosti Nezavisni odbor koristit će usluge administrativno-tehničke podrške Zajedničke službe Sekretarijata Parlamentarne skupštine BiH, koja se, između ostalog, odnosi i na osiguranje potrebnog kancelarijskog materijala, računara, projektora, radnih i prostorija za čuvanje dokumentacije i administrativno-tehničkih sredstava s ciljem efikasnog i nesmetanog rada Nezavisnog odbora.

**NOSILAC:** Nezavisni odbor, Zajednička služba Sekretarijata Parlamentarne skupštine BiH.

**ROK:** Kontinuirano tokom 2016. godine.

## POGLAVLJE V. PREPORUKE I ZAKLJUČCI

Nezavisni odbor će realizacijom planiranih aktivnosti u 2016. godini, u skladu s odredbama Zakona o nezavisnim i nadzornim tijelima policijske strukture Bosne i Hercegovine, nastojati da poveća sveukupnu efikasnost u radu policijskih tijela Bosne i Hercegovine.

Osiguranjem materijalno-tehničkih uslova potrebnih za rad Nezavisnog odbora značajno će se uticati na realizaciju navedenih aktivnosti i bit će stvoreni uslovi za provođenje Zakona o nezavisnim i nadzornim tijelima policijske strukture Bosne i Hercegovine, drugih zakona i propisa Bosne i Hercegovine.



PREDSJEDNIK  
NEZAVISNOG ODBORA

Žiko Krunić